

SONJA GEEVERS: 30 AÑA PROFESIONAL DI BAILE



Alumnonan y alumnanan di ultimo 30 aña a bini hunto na Step by Step Dance Studio, no pa balia of ensayo, pero pa sorprende e maestra di baile **Sonja Gevers**, cu a caba di cumpli 30 aña como bailarina y instructora profesional di baile.

Sonja Gevers, un profesional di baile, serio den su trabao, y na mes momento habri pa humor, un persona agradable pa traha cune y cu un conocimiento humano formidable y masha tactico ora di confronta dificultadnan.

E PROFESIONAL

Sonja a cumenza balia na edad joven tumando lesnan di ballet y awè ta un di e instructoranan mihor di ballet riba nos isla.

Cu 5 aña di edad el a cumenza tuma les na Ritmische Dansschool na Sociedad Bolivariana bao guia di Els Athmer y Lucy jur-

gens y cu 15 aña di edad el a bay Merca pa termina high school na Howey Academy na Jacksonville, Florida. Despues di ricibi su diploma el a bay Hulanda y sigui na Rotterdamse Dans Academie te 1966 cu el a obtene su diploma.

El a cumenza un carera profesional na Alemania na Theatre Munster como medio solista y traha como instructora na School di Ballet Toska Balm na Rotterdam.

Na 1969 el a bolbe Aruba y cumenza su propio acad-

mia di baile, "**Dans en Balletschool Sonja**" den nas-saustaat y a forma tambe su prome grupo di baile, "**Baila Aruba**".

Na 1975 Sonja a bay Argentina pa varios workshop y 4 aña despues a bolbe como instructora di ballet na Centro Cultural.

El a presenta varios recital di ballet, manera Coppe-
lia, Paquita, Giselle, Dancing Man pa menciona algun y tur ahusta riba nivel amateur pa ta mas facil pa su pupilonan.

E ta e prome cu a presenta recitalnan mundial pa bailarinnan y audiencianan riba nos isla. Su ultimo tabatana december aña pasa "**The Nutcracker**".

Na 1983 y 1985 el a asisti na workshop di tres luna na academia Dulce anaya na

Jacksonville, Florida y durante e periodo ey el a balia cu e prome grupo local di baile den Alladin theater, "**The Five Star dancers**."

Na 1986 el a bolbe argentina pa dos aña di les den pedagogia y tecnicanan mastral di ballet Ruso, na Teatro Colon di Buenos Aires bao direccion di Rudolfo Fontane. El a tuma dos aña di les den coreografia tambe di Werner Ulrich y traha como instructora na La Casona del Teatro na Buenos Aires.

El a bolbe Aruba na 1987 y traha na Cultureel Centrum como instructora di ballet te April 1992 tempo

cu hunto cu Sr. Humphrey lauffer nan a lanta Step by Step dance Studio.

E studio di baile a cumenza chiquito den Wilhelminastrat y aña pasa a move pa Camacuri, unda antes tabata e centro di bowling.

E school awe tin dos studio di baile dunando instruccion den tur tipo di baile, instructornan ta Sonja mes, Humphrey, Samantha Wester Juppa, Gail Hagedoorn y Bob Ollar.

Sonja ademas ta coreografo y instructor di e popular grupo di baile Aruba Dance Formation, cu ta duna presentacino den hotelnan, bon Bini Festival,

recientemente na Paraguay den "**2do Festival di Baile Folclorico y di mundo**".

Preparacion actual ta pa presenta dentro di poco "**The Steppers**", un grupo di 8 mucha joven pupilo di e school di baile, cada un cu 4 aña of mas di experiencia den bailenan clasico.

Sonja ta cera 1996 contento pero tambe cu un sabor amargo. Contento debi na e exitonan logra durante 1996 y cu ainda despues di 30 aña ainda tin 80 porciento di su pupilonan cu ta atende les cerca dje. Algun hasta ta profesional caba manera entre otro Josefa Bruges, cu ta instructora pa aerobics caribense, Magda Lacle cu tin su propio school di ballet y Candice Richarsson cu ta instructora profesional di jazz y aerobics. E ta spera cu pronto lo bira profesional tambe, Iraina Abdul, Sandy van Thol, y Randolph Ras studiantenan cu ta spera di bira mes bon como profesional manera nan instructora Sonja.

Riba e portret por mira Sonja y Humphrey cu algun di e pupilonan di Sonja durante e sorpesa cu nan a duna nan instructora entregando un plaque y cuadro cu portretnan di varios aña di su carera.

July